

"Новый орта мектеп- лицейі" КММ

Қамқоршылық кеңесі отырысының
ХАТТАМАСЫ № 3

Мерзімі: 28. 05.2021 ж

Қатысқаны: 19

Қатыспағаны : 0

КҮН ТӘРТІБІНДЕ:

1. 2020-2021 оқу жылында оқу-білім саласында жүргізілген жұмыстарды қорытындылау.
2. 2021-2022 оқу жылында атқарылатын жұмыс жоспарын құру

Тыңдалды:

Қамқоршылық кеңесінің төрағасы Т. Табылғанов:

Сіздерге 7 күн бұрын хабарлама жіберіп жиналыс жасап отырмыз. Сіздерге белгіленген жоспар бойынша өткізілетін отырыс туралы алдын ала 7 күн бұрын жиналыс болатындығын айтып хабарлама жіберіп отырамыз, егерде жиналысқа қатыса алмайтындай жағдай болатын болса 5 күн бұрын хабарлама жіберіңіздер. Қамқоршылық кеңестің мақсаттары: жарғыны жүзеге асыруға, материалдық - техникалық базасын күшейтуге жәрдемдесу, балалардың құқықтарының сақталуына, шотқа келіп түскен қайырымдылық көмектің жұмсалыуына қоғамдық бақылау жүргізу болып табылатындығын барлығымыз білеміз. Новый орта мектеп-лицейінің қамқоршылық кеңес құрамы жыл басында бекітіліп, кеңес мүшелері жыл бойы мектеппен үнемі байланыста болдыңыздар.

Шығып сөйлеушілер:

А. Кисикова (Новый орта мектеп- лицейінің директоры):

Биылғы оқу жылын қорытындылайтын болсақ, еліміздегі жағдайға байланысты көптеген іс-шаралар ұйымдастырылды. Өздеріңіз де мектебімізге келіп, мектептің оқу процесімен, санитарлық жағдайы және коронавирустық инфекцияның таралуына жол бермеу мақсатында өткізілген іс-шаралармен, жасалынып жатырған жұмыспен таныс болдыңыздар. Мектебімізде аталған іс-шараларға барлығы немқұрай қарамады. Барлығымыз бірлесе жұмыс жасап, оқу жылымызды ойдағыдай аяқтадық.

Сонымен қатар Новый орта мектеп-лицейінде дарынды балалармен жұмыс «Инновациялық, ақпараттық технологияларды пайдалану арқылы оқушылардың жеке, шығармашылық және ғылыми-зерттеушілік қабілеттерін зерделеу, тұлға ретінде қалыптасуына жағдай жасау» мәселесі аясында атқарылып келеді.

Новый орта мектеп-лицейінде дарынды балалармен жұмыс төмендегідей жүйеде құрылған:

- «Олимпиада-резерв» мектебі жұмысы
- «Талапкер» оқушылардың ғылыми қоғамы жұмысы
- «Білім шыңы» ғылыми орталығы
- «Дат» дебат командасы
- Пәндік үйірмелер жұмысы

«Олимпиада резерв» мектебіне ғылым негіздері бойынша пәндерден 9-11 кластар бойынша топтастырылған. Осы оқушылармен пән бірлестіктерінде арнайы кесте жасалып пән мұғалімдері дайындық сабақтарын жүргізді.

Жыл сайын өткізілетін 9-11 класс оқушыларына арналған жалпы білім беретін пәндер бойынша республикалық олимпиаданың қалалық және облыстық кезеңінен оқушыларымыз жүлделі орындар алып, Новый орта мектеп-лицейі Ақтөбе қаласының білім бөлімінің «Шет тілдерін білудегі жетістіктер», Ақтөбе облысының білім басқармасының «Үздік жалпы орта білім беретін мектеп» номинациясымен марапатталды.

Кіші Ғылым Академиясының облыстық және республикалық ғылыми-тәжірибелік конференциясына оқушыларымыз жүйелі түрде қатысып жүлделі орындарды иеленді. Республикалық «Дарын» ғылыми жобалар конкурсына «Талапкер» оқушылардың ғылыми қоғамы ұсынған 20 жұмыс ұсынылып, 9 оқушы облыстық кезеңнен жүлделі орындар алды.

«Халықаралық педагогикалық шығармашылық пен ғылымның дамуын қолдау қоры» Қоғамдық қоры өткізген «IQ OLIMPIADA-2020» атты II Республикалық пәндік олимпиадасына 240 оқушы қатысып, 200 оқушы жүлделі орындарға ие болды. Новый орта мектеп-лицейі ұжымы Алғыс хат және кубокпен марапатталды.

Мектебіміздің педагогтары да түрлі деңгейде ұйымдастырылған кәсіби байқаулар мен олимпиадалардың жүлдегерлері атанып келеді.

DRUŠTVO „ZA AKADEMSKU AKTIVNOST“/ ASSOCIATION "SOCIETY FOR ACADEMIC ACTIVITY" (SERBIA) «Вирусная революция и современное образование: вызовы и новые возможности» халықаралық байқауына 10 педагог қатысып жүлделі орындарды иеленді.

Қашықтан оқыту мәселесі бойынша жаңа бастамаларды қолдап, жаңа форматтағы заманауи бейне сабақтар дайындап, оларды республика көлемінде таратуға үлес қосқаны үшін 3 педагог «Өрлеу» БАҰО Құрмет грамотасымен марапатталды.

«Ақтөбе-Дарын» өңірлік ғылыми-тәжірибелік қосымша білім беру орталығы өткізген «Педагогикалық идеялар фестивалі» конкурсының облыстық кезеңіне 6 педагог қатысып, жүлделі орындарды иеленді.

Республикалық «Жаңа мектепке – жаңашыл ұстаз» байқауына жас маман А.Жақатай қатысып, облыстық іріктеуден өтіп республикалық кезеңге жолдама алды. Ақтөбе облыстық ғылыми-тәжірибелік орталығы өткізген пәндік олимпиадаларға, кәсіби байқауларға қатысқан педагогтар жүлделі орындарды иеленді.

Атап өткенімдей мұғалімдеріміз бен оқушыларымыз мектеп -лицейіміздің жетістіктерін жыл бойы толықтырып отырды.

Сонымен қатар 2 оқушымыз "Алтын белгі", 1 оқушымыз "Қызыл аттестатпен" аяқтады. Бұл да біз үшін үлкен мақтаныш.

Г.Умбетова -Қамқоршылық кеңес мүшесі

Мектеп-лицейінде қамқоршылық кеңес бірнеше жылдан бастап, нақты жұмысқа кірісіп, жұмыс жүргізіп келеді. Бұл уақытқа дейін сіздер мектеп әкімшілігінің ата-аналар комитетімен және біздермен бірлесе атқарылған нәтижелі жұмыстардың атқарылғандығының куәсі болып келесіздер. Енді алдағы уақытқа да жүйелі жоспар құруымыз қажет. Осы жөнінде ұсыныстарыңызды ортаға салсаңыздар.

Ж. Айтқұлов -Қамқоршылық кеңес мүшесі

Бәріміз біріге отырып, 2021-2022 жылға жұмыс жоспарын жасап алғанымыз дұрыс болар, әр квартал сайын атқарған жұмыстарымызға есеп беріп отырамыз. Қамқоршылық кеңесінің 2021-2022 жылға арналған жұмыс жоспарына қамқорлықтағы және материалдық көмекке мұқтаж балаларды анықтау, оқушылардың сабаққа қатысуын және құқық бұзушылықтың алдын алу шараларына, «Мектепке жол», «Қайырымдылық» акцияларды ұйымдастыру мақсатында жеке кәсіпкерлер мен ата-аналармен байланыс орнату «Мектепке жол», «Қайырымдылық» акцияларды ұйымдастыру мақсатында жеке кәсіпкерлер мен ата-

аналармен байланыс орнату, белсенді ата – аналар мен сынып жетекшілеріне кеңес өткізу, мерекелік іс – шараларын ұйымдастыруға, дарынды оқушыларға қолдау көрсету мәселелерін қарастыру қажет деп есептеймін.

Л. Алабаева - Қамқоршылық кеңесінің мүшесі

Иә, мен де келісемін аталған мәселелердің барлығы жоспарда болу қажет деп есептеймін. Сонымен қатар келесі оқу жылында оқушылар дәстүрлі форматта оқитын жағдайда болса, оқушылар асханаға келіп тамақтанатын болады. Сол үшін ыстық тамақпен қамтылу, асхана жағдайын қадағалауды да жоспарға қосу керек.

Қамқоршылық кеңестің жоспарын құру кезінде мектеп ұжымының жылдық жоспарына да сүйеніп жасау керек. Қайырымдылық көмек түрінде өткізілетін іс -шараларды, оқушылардың әлеуметтік жағдайын ескеріп, ата-аналармен тығыз байланыс жасауды; мектеп ұжымының тыныс тіршілігіне ерекше ерекше мән беруге байланысты жоспарлауды ұсынамын.

Ә. Төремұратов - Қамқоршылық кеңесінің мүшесі

Расымен де мектептегі барлық жұмыстар өзіндік нәтижемен нақты жүргізіліп келе жатыр. Ол туралы күнделікті әлеуметтік желілер арқылы да естіп, көріп отырамыз. Сіздер айтқан ұсыныс- пікірлерді ескере отырып, келесі жылы да ауызбіршілікпен жұмыстарды атқаратынымызға сенімдімін.

Мұғалімдердің де кәсіби біліктіктеріне ешқандай сын айта алмаймыз. Сіздерге алдағы жылда да шығармашылық табыс тілеймін.

Шешім:

1. 2020-2021 жылы атқарылған жұмыстар "канағаттанарлық" деп танылсын.
2. 2021-2022 жылға құрылған Қамқоршылықтың кеңестің жұмыс жоспарына ұсыныстар енгізу қарастырылсын.

Қамқоршылық кеңесінің төрағасы:  Т. Табылғанов

Хатшы:  С. Ахажанова